

國朝宮史續編

國朝宮史續編卷之二十三

典禮十七

冊寶一

臣等謹案國寶留貽典章綦重我

朝鴻宮珍貯曩沿明時內監所書冊檔之謫以

致紀載失真自我

高宗純皇帝攷釐定數然顧

吳禧冀如姬周鼎卜之長義備於乾隆丙寅

聖製國朝傳寶記

恭見前編

暨嘉慶丙辰

聖製匣衍記中

臣

等續輯

宮史謹括

皇朝文獻通考列

交泰殿寶二十有五詳其方廣程式以衍

世傳守器之重至夫

列聖通用諸璽具詳

欽定寶譜惟載

敬天勤民四字珍刻特表

三朝詒翼之舊章又如

高宗純皇帝初制

信天主人

古稀天子

五福五代堂古稀天子

八徵耄念

十全老人

太上皇帝諸大寶者在

奎文寶章

瑞貺允宜舉要特書人如乾隆年間崇上

璇闈徽號鏤璧增輝嘉慶年間

錫封紫掖綸音金泥疊耀均關典禮之大謹分著  
為

冊寶門恭紀

冊文並詳制至

宮庭

寶印例用玉筋篆一循定式鐫文不備錄焉  
御定交泰殿二十五寶

大清受命之寶以章皇序

白玉方四寸四分厚一寸盤龍鈕高二寸

皇帝奉命之寶以章奉若

碧玉方四寸四分厚一寸一分盤龍鈕高三寸五分

大清嗣天子寶以章繼繩

金方二寸四分厚八分交龍鈕高一寸七分皇帝之寶以布詔赦

青玉方三寸九分厚一寸交龍鈕高二寸一分  
臣等謹案右寶四皆

開國貽珍崇昭

景命其青玉寶一本清篆傳自

太宗文皇帝時蓋爾時專用國書既乃兼用古篆恭

見

聖製交泰殿寶譜序後云

皇帝之寶以肅法駕

梅檀香水方四寸八分厚一寸八分盤龍鈕

高三寸五分

天子之寶以祀百神

白玉方二寸四分厚八分交龍鈕高一寸三

分

皇帝尊親之寶以薦徽號

白玉方二寸一分厚七分盤龍鈕高一寸三分

皇帝親親之寶以展宗盟

白玉方二寸二分厚一寸二分交龍鈕高一寸二分

皇帝行寶以頒賜賚

碧玉方四寸八分厚一寸九分蹲龍鈕高二



寸五分

皇帝信寶以徵戎伍

白玉方三寸三分厚六分交龍鈕高一寸六分

天子行寶以冊外蠻

碧玉方四寸八分厚一寸九分蹲龍鈕高二寸三分

天子信寶以命殊方

青玉方三寸八分厚一寸三分交龍鈕高一

寸七分

敬天勤民之寶以飭覲吏

白玉方三寸一分厚一寸五分交龍鈕高一寸七分

制誥之寶以諭臣僚

青玉方四寸厚二寸交龍鈕高二寸七分

敕命之寶以鈐誥敕

碧玉方三寸五分厚一寸三分交龍鈕高一寸八分

垂訓之寶以揚國憲

碧玉方四寸厚一寸五分交龍鈕高二寸

命德之寶以獎忠良

青玉方四寸厚一寸四分交龍鈕高二寸一

分

欽文之寶以重文教

墨玉方三寸六分厚一寸五分交龍鈕高一

寸六分

表章經史之寶以崇古訓

碧玉方四寸七分厚二寸一分交龍鈕高二寸二分

巡狩天下之寶以從省方

青玉方四寸七分厚二寸交龍鈕高二寸五分

討罪安民之寶以張征伐

青玉方四寸八分厚二寸交龍鈕高二寸五分

制馭六師之寶以整戎行

墨玉方五寸三分厚一寸四分交龍鈕高二寸二分

敕正萬邦之寶以詔外國

青玉方三寸八分厚一寸五分盤龍鈕高二寸三分

敕正萬民之寶以詔四方

青玉方四寸一分厚一寸五分交龍鈕高二寸

廣運之寶以謹封識

墨玉方六寸厚二寸一分交龍鈕高二寸

臣等謹案右寶二十有一自乾隆十三年

高宗純皇帝指授儒臣製為清文各篆體書爰

敕所司仿從新制一律改鑄左清篆右漢篆詳定位

置並貯

交泰殿其文或複見及國初行用諸寶齋藏

盛京鳳凰樓別為寶譜云

附詳寶盞諸制

御寶盞高九寸方八寸五分金質鈐香草花文外櫝

高尺有三寸方尺有二寸木質朱髹繪龍文  
架高二尺一寸方尺有八寸柵木為之朱髹  
金飾雕刻龍文寶色池連蓋高三寸四分方  
六寸四分純素金質祇墊均用黃緞

聖製匣行記

匣行記有三一以誌

交泰殿所藏御用國寶一以誌

端凝殿所藏御用朝珠

乾清宮為正殿東西兩廊為  
長廡東廡中三楹為瑞凝殿

取瑞冕凝旒之義是以御用冠袍帶履俱貯於此  
列聖所御冠服朝珠均恭貯其南三楹蓋因貯藏

香及西洋鐘表等項是以沿稱爲自鳴鐘實仍統於  
端凝殿也詳見國朝宮史其西廡中三楹爲懋勤殿  
取懋文勤武之義故以貯典藉文房其南三楹則每  
日所進閣本批票之處皆係內閣侍讀中書等官入  
直者司其批發仍係內閣大學士所轄不似明季一  
任東筆太監高下其手此我朝制度之善所以迥越  
前代一以誌也

壽皇殿所藏御用諸璽予即位之初承

三朝所貽御物頭緒紛繁中使無晰理明文之人屏  
當或致顛倒初政無暇及此也乾隆十一年春始因  
交泰殿舊藏國寶記載流傳其數失實爰取周易大  
衍



天數二十有五之義定為二十有五之數詳見本殿  
記又於乾隆十七年春閱乾清宮東廡之端凝殿恭  
貯

列聖禮服所御朝珠更定為二十五層之匣以俟奕  
葉按代遞用亦詳見本殿記復於乾隆四十六年冬  
敬將

聖祖

世宗常用諸璽及朕自青宮至御極以來數十年中  
所用諸璽製為寶數匣並豫裝空冊亦定為二十五

層藏於

壽皇殿以備將來依次存貯簽用世為法守右此尊藏三大事予皆定以

天數二十有五者其義亦有說乎曰有說蓋天子所重以治宇宙申經綸莫重於國寶而涉筆記事之璽即其次也我國家禮服飾以朝珠

祖宗所御典禮攸存定寶數之時密用姬周故事默禱

上蒼祈我國家若得仰蒙

慈佑歷二十五代以長斯亦難矣此實侈望然郊廓  
定鼎卜世卜年已著其例敬思自古以來未有一家  
恒享昊命而不變者此意恒存於心而不敢言茲予  
以難期八十有六歲之侈望而得符願傳位授政實  
賴

鴻眷或者侈望我大清得享號二十有五之數亦可  
俯賜符願乎夫卜世卜年固在人而

賜世賜年則在

天叨

天之佑非敬

天愛民無別道而此敬愛之心若一時有間欲希  
昭鑒弗可得此不大應懼乎予所以因

昊貺而愈侈望愈憂惕虔為是記以示奕葉之聰聰  
者

高宗純皇帝御用寶

敬天勤民

白玉方二寸九分四周鐫

聖製詩并序

聖製敬

天勤民寶四言詩

有序

戊辰

皇祖御書鈐用諸璽

皇考制箱以藏之惟留是寶於外以鈐用

御書予小子敬遵成典收藏

皇考御寶時亦留是寶於外常鈐用焉是寶也經

三世而一例寶用且將垂之奕禩而無窮豈以追琢

其章哉蓋取義有足重耳故記其梗概而系以詩

交泰御璽定數遵

天國朝傳實向所文泰獻中予詳加考定凡二十有五以符天數并爲之記且著成籍藏之內閣云

掌之黃閣傳以億年粵是諸璽綴文寓意玉案揮毫以資抑填栝棧弗用篋衍專藏繡縹金鑄永閔虹光惟此截肪用以

三世匪貴其材實珍其義其義云何敬

天勤民

祖考有勗逮於藐身

天視民視

天聽民聽一二二一作狂作聖翠網提要四字心傳

於十萬葉永矢乾乾

信天主人

白玉方三寸二分厚一寸三分交龍鈕高一寸三分

且等謹案西陲底定

高宗純皇帝追維用兵之始設為春秋碩儒臻成大  
夫往復語而折衷於

信天主人作開惑論因鐫

信天主人寶蓋用論中稱謂紀成功昭

睿斷也

古稀天子之寶

青玉方三寸四分四周鐫

聖製古稀說

恭載前卷  
慶邸儀

聖製用乾清宮西暖閣貯敬天勤民寶之例貯古稀  
天子之寶於東暖閣既刻古稀說於寶端並繫以

詩

辛丑

祖

宗貽玉寶敬



天及勤民茲予逮古稀爰始刻貞珉敬勤傳

家法奕世當永遵設我子孫中年或古稀臻此寶亦

宜用弄之檀匣陳斯則待

乾貺未敢豫卜頻西清者恒守

謂西暖閣之敬天勤民寶

左个者

偶循

謂東暖閣之古稀天子寶

嗣服祈承命筆謙勗慎寅

聖製題匣貯古稀天子寶

己酉

天子古稀九玉章匣貯閑畫工獻彼技射虎肖其間

匣蓋面錫飾射虎圖宛肖園陽中風景

又已十年閱何曾一瞬慳雄心

漸消泯逸志在高閒

古稀天子之寶

青玉方二寸二分厚一寸蟠螭鈕高一寸

臣等謹案是寶與前同文並

聖壽七表時所刻其副章曰猶日孜孜方徑相等洵

萬世凝承之

吉祥瀟物也

諸寶重文分貯各宮  
詳見寶譜者不備載

五福五代堂古稀天子寶

青玉方四寸一分交龍鈕高一寸四分

臣等謹案乾隆丙申重葺

寧壽宮之景福宮

聖製五福頌書屏迨甲辰

慶得元孫一堂五世因即景福宮增書五福五代堂  
為文以記並鐫是寶以誌亘古希有盛事

八徵耄念之寶

青玉方四寸交龍鈕高三寸七分

聖製八徵耄念之寶記

予年七十時用杜甫句鐫古希天子之寶而即繼之  
曰猶日孜孜不敢怠於政也蒙

天眷佑幸無大隕越於茲又決旬矣思有所以副八  
旬開衷之慶錫為璽以殷諸御筆蓋莫若洪範八徵  
之念且予夙立願八十有五滿乾隆六十年之數即  
當歸政今雖八十逮歸政之歲尚有六年一日未息  
肩萬民恒在懷庶徵之八可不念乎念庶徵即所以  
念萬民曲禮八十曰耄老而智衰之謂茲逮八十幸  
賴

天佑身體康強一日萬幾未形智衰不可不自勉也  
如至果不能自勉則亦不敢曠職以待六年之期何

則

壇

廟之祀不可不躬親雨暘之時不可不常驗中外之政不可不日勤民物之養不可不心存苟失其一叢脞隨之則吾豈敢是則毫而敬念庶徵仍古稀猶曰孜孜之意也亦五福五代堂之說所謂皇極斂錫之志也亦即近讀洪範著論所謂六極中不能去其三曰憂之義也夫漢唐以來古稀天子纔得六六之中至八旬者纔得三而三帝之中惟元世祖可稱賢其

二則予所鄙也

三代下諸帝登七十者僅六見予向所為古稀說而六帝之中惟梁武帝

宋高宗元世祖年登八十梁武帝自昭傾覆宋高宗

忘恥偷安皆所素鄙惟元世祖乃創業大有為之君

然踐阼非早建號僅三十五年傳孫成宗其諸王世

系元史雖無表可指但計其世次訖順帝不過四傳

亦不能如今五世同堂之盛是則予之仰荷天

春生為深厚不持云捧且自古所未有如是而不祇

承 鴻臚受養於元則 即元世祖亦未如予之五

子昌敢仰亦有所不忍也

代同堂是予沐

吳乾鴻貺為獨深而予之所寅承

錫羨當何如亦曰體

天愛民誠心勤政與洪範五之斂錫八之念微九之

三憂孜孜惕惕日進无疆云爾予之子孫能心予之心政予之政惕予之惕憂予之憂或得仰邀

天眷有年至七旬八旬者繼用此寶則又我大清國億萬斯年无疆之庥所不敢必而深願者也是為記聖製新正重華宮茶宴廷臣及內廷翰林用八徵耄

念之寶聯句復得詩二律

庚戌

古稀慶典未教行登八如前太矯情

庚子年王公及內外臣工奏請

慶祝七旬為壽未即九行前歲復再三懇請於今歲舉行八旬慶典予思藐躬荷膺天眷寶亦史冊所罕聞而天下臣民愛戴之忱出於至誠如再為固御樽屬矯情因循尤所請仍飭毋得過於華侈致滋

康製寶仍勤庶徵念聯篇惟冀衆規呈較於衛武年  
猶少比似周寧銘以誠机鑑豆觴資日用絲綸況此  
繫王貞

刻璽由來

祖制遺

皇祖望七時欲刻一通用小璽命內廷  
翰林文皆無當聖意者乃定戒之在

得四字予於七旬時錫古佈天子猶日孜孜二寶及  
此次錫八徵先念自強不息二寶亦恭仿我皇  
祖之意藉  
自微惕云兩言戒得緬

宏規作堂前與後為記

避暑山莊戒得堂  
有前後記二篇紀表七過

八及期自辛每因增自憾

予受  
至為優渥  
皇祖眷顧之恩  
矢願亦祇希



皇祖享國之年即當歸政今惟餘六載竊幸已踰  
八表惟念皇祖以幼齡踐阼在位六十一年而  
追憶之壽實未及七旬惟慚那更侈惟怡六春秋閱當  
歸政獲否

天恩敬俟之

十全老人之寶

碧玉方四寸厚一寸九分交龍鈕高三寸四

周鐫

聖製說

聖製十全老人之寶說

十全記既成因選和闐玉鐫十全老人之寶並為說  
曰十全本以紀武功而十全老人之寶則不啻此也  
何言之武功不過為君之一事幸賴

天佑勅劬歲局未加一賦而賦乃蠲四弗勞一民而

民收無萬

今收伊犁及回疆戶口豈止數千萬

祇或免窮黷之譏耳若

夫老人之十全則尚未全也蓋君人之職豈止武功  
一事哉朱子曰一日立乎其位則一日業乎其官一  
日不得乎其官則一日不敢立乎其位官者何職之  
謂也君之職不能盡言況敢云盡其職乎未盡其職

則十全老人之寶不亦涉自欺與誇而增慚愧乎然  
老人之十全實更有奢望不敢必以故待

天佑者十全之武功誠叨

天佑矣則十全之盡君職或亦可以希

天佑乎夫適百里者半九十里予今三年歸政之全  
人不啻半九十而且如三十年之久矣是以逮七十  
而繫猶日孜孜以為歲至八十而繫自強不息以為  
勉則此可必不可必三年中敢不益勵宵衣旰食之  
勤益切敬

天愛民之念虔侯

昊貺或允臻十全之境視三年誠如三十年之遠幸  
何如之企何如之惕何如之是為說

太上皇帝之寶

碧玉方七寸厚三寸六分交龍鈕高二寸四

分四周鐫

聖製詩

聖製自題太上皇寶

丙辰

由古來云太上皇徽稱懿號謂非常

史策所載太上  
皇帝有加上尊

號之文在當時意取尊崇實皆繁文綺節深所不取  
昔年 皇祖平定三藩及恭遇 慶節臣工等  
屢有以上尊號為請者 皇祖皆却而不許  
聖訓煌煌實可為萬世之法予抑蒙 昊貺踐作  
大甸今歲元正授重子皇帝惟命錫太上皇帝之寶  
並豫先降旨不令請加尊號蓋人君敬 天愛民  
惟在實心實政誠不者 即斯六表慶猶幸加以雙文  
聖神文武之虛稱也

愧莫遑自問生平奚立德永言繩繼祝丕昌甯明几

淨西銘讀

謂全篇之末句

恰合隨時愛景光

臣等謹案石寶為

欽定喜字第一號玉所製嘉慶丙辰元日肇舉

禪儀既

親授皇帝之寶於

皇帝爰

命於寧壽宮皇極殿御案左陳

太上皇帝之寶右陳

十全老人之寶說玉冊備

東朝之鉅典屏尊號之彌文闡聖書祥炷香符

祝復荷

恩慈屢諭

恭見乾隆

壬寅

甲寅

聖諭中願

皇帝以逮萬葉雲仍遵循定制實用無疆

聖

聖相傳實為

受福延洪之始基矣

國朝宮史續編卷之二十四

典禮十八

冊寶二

冊尊

皇太后冊寶

金冊十頁高七寸一分廣三寸二分每頁金重十有八兩聯以樞紐面鈒升降龍文內橫高九寸長一尺廣三寸五分外橫高尺有三寸長尺有三寸五分廣一尺架高二尺一寸方一尺八寸均栴木朱髹金飾繪龍鳳文祔



國朝典章  
卷一百一  
墊用黃緞

金寶方四寸四分平臺交龍鈕厚一寸二分  
寶盞方八寸高七寸八分寶色池方四寸八  
分高二寸均以金製盞重百有七兩池重六  
十兩外橫繪龍鳳文

乾隆三十四年十二月初一日奉

諭旨朕尊養

璇闈展愛承

歡一切務臻隆備前者每逢

慶典加上

聖母皇太后徽號悉遵會典成規敬製金冊金寶以  
為準儀昭度程式宜然近檢稽體仁閣尊藏法物  
則

孝莊文皇后玉冊玉寶俱存皆康熙年間

皇祖歷次加奉

太皇太后徽號所進者乃知冊寶原有刻玉之制因  
思國家

傳寶質皆琢玉而下逮親藩封爵冊寶亦得范金是

臣等謹將  
嘉王較視良金尤為寶貴越歲辛卯恭遇

聖母八旬萬壽朕將躬率羣臣恭加

徽號用洽彝章所奏冊寶自宜備極珍崇以稱朕尊  
親茂慶之志著大學士會同該部博稽舊典敬謹詳  
議以聞

三十六年尊上

皇太后徽號恭進

王冊

王寶

冊文曰璇闈錫美德施昭曼壽之徵蘭殿敷慈福集  
紀鴻名之燄際自古希聞之大慶祥軼義軒晉從  
今遞積之

徽稱音揚任如孚歡陬溼洽喜清寧欽惟

聖母崇慶慈宣康惠敦和裕壽純禧恭懿皇太后陞  
下厚德頤恬繁禧垂裕提源昌熾履箕範之欽敷  
順氣彌綸協坤輿之光大天開

聖節景迓長春欣

八表之崇登祝

萬年之介祉疊遵

懿訓寅奉

怡顏依愛日以循陔舞綵逮六旬以上載

春暉而員宸垂衣臻三紀於茲膝繞雲初臚嘉祥於

五世野多耄耋開壽宇於八方有慶則兆民同尊

親以天下養頌賡徧德疊蠲二稅以阜成雅詠作人

聯啟兩闌而彙吉四言下管新苞茂之

瑤宮萬歲呼嵩掖省巡之

翟輅維錫類承歡之茂集總合羣黎百姓之心凡家

慶國瑞之駢臻皆由

聖母一人之福載稽舊典式備多儀制更重於祥金  
禮特隆夫嘉玉用宜延喜珍來西母之琯環矧乃  
象功貢底闡河之璆壁彝章肇定

顯號洵加謹告

天

地

宗廟

社稷率諸王貝勒文武羣臣恭奉

冊

寶上

徽號曰

崇慶慈宣康惠敦和裕壽純禧恭懿安祺皇太后肅  
布愉悰虔申祈頌繹彖辭之應地

安乃永貞次詩什於生民

祺維介景捧瑤箋而獻錄陳芝牒以迎釐伏願

純嘏長綏第祿彌劬律生萬事之本八暢元音籌添

億歲之盈十基積數從此京垓演策川長山壽躋

悠久於坤元章節引年日升月恒益增興於天保  
臣誠懼誠忤稽首頓首謹言

四十一年尊上

皇太后徽號恭進

玉冊

玉寶

冊文曰

堯門啟瑞樞光昭耆定之模

如幄基祥帡蔭衍昇平之慶頌孚海宇忤集臣鄰欽



惟

聖母崇慶慈宣康惠敦和裕壽純禧恭懿安祺皇太后陛下

聖裕徽音

福徵厚德

尊親並戴合萬國以臚歡

名壽兼隆臻

億齡而履順茲值金川之底績爰陳

瑤牒以告勲湖彼蠻觸構爭始猶寬其齎斧繼乃貶

狼肆抗終難遁其威孤揚兩路之先聲兵非得已  
簡八旗之勁旅勇且知方越險摧堅不啻功成百  
戰擣巢窟於斯事歲五年予小子籌筆辛勤每  
厘

慈詢之

垂念師武臣劇旌勞動克馳捷奏以慰

懷兵銷騰日月之光升恒祝

嘏樂作叶韶鑾之盛美善歸

親宜晉

鴻稱用崇

燕喜精璆聯珏稽朝家隆重之儀

嘉璽琬珍杼中外喁于之願謹告

天

地

宗廟

社稷率諸王貝勒文武羣臣恭奉

冊

寶上

徽號曰

崇慶慈宣康惠敦和裕壽純禧恭懿安祺寧豫皇太后  
顯捧

芝函虔申葵悃繹箕疇之來備是曰

康寧演義畫之利行實惟

豫順

懿美式彰夫蒼錄

蕃釐允迓乎琅編伏願

道契安貞

性彌愷樂聞

昌符於金石寶琰恒新熙

洪號於垓埏蘿圖益煥常來王而常來享共球同紀  
殷篇莫不興而莫不增川岳長慶周雅臣誠懽誠  
忭稽首頓首謹言

四十三年加上

裕貴太妃尊號進

冊寶

貴妃金冊金寶  
詳後卷冊封儀

冊文曰璇扉篤慶喬齡昭多壽之徵芝檢騰輝崇

嘏致延洪之祝聿稽彝典載奉鴻稱

裕貴妃母妃德秉安貞性成淑慎

椒庭佐治嫺內則而矩度彌彰蘭掖凝祥育介弟而  
藩維式衍侍

愉怡於長樂

高年之親愛尤深申敬禮於初元懿號之尊崇久晉  
彤編紀盛頤和逾卅載而遙瑤笑增提益算慶  
九旬之屆宜隆位秩用集庥嘉謹以冊寶尊為  
裕皇貴妃於戲綏第祿於羣衣丕煥琅函之采式

令儀於鵠髮永欽瑤佩之徽謹言

六十年以

皇太子正儲位追贈

令懿皇貴妃為

孝儀皇后薦

冊寶如儀

冊文曰朕惟維繼照以兆明誕膺福祚坤承天而正  
位長發祥源賢卜於天景命方隆於授受貴微以  
子追封允協於尊崇惟令懿皇貴妃魏氏德著誠

莊性昭淑順柔嘉維則班初亞於三宮式禮無愆  
秩游升於九御六五叶黃裳之卜歡奉

萱闈千億開朱芾之占喜宜蘭殿昔篤生夫睿哲兆  
協橫庚今懋建夫元良紀符周甲昭茲來許萬年  
之歲月方長佑我後人廿載之音容如昨茲以儲  
徽克茂繼序其皇吉啟密緘既正前星之號幸符  
夙願將循上日之文嗣服無疆承華有自特溯雲  
耕於桂閭用懷月御於椒塗茂舉上儀聿崇升祔  
茲冊贈為孝儀皇后於歲本篤慶衍提之德母允



垂儀循名正言順之規子當承統福所基也爾子  
孫克紹於鴻圖禮亦宜之我國家肇稱之盛典志  
維先定靈其歆承

嘉慶六年加上

婉太妃尊號進

冊寶

貴妃金冊金寶  
詳後卷冊封儀

冊文曰翊坤儀而布化德茂前徽修壺教以延祚  
年登大耋式稽彝典益闡芳聲

皇考婉妃陳氏稟則柔嘉持躬肅慎

宵衣日侍小心夙著於椒闈宮翟申頌

恩眷久隆於星掖樹采珩之令範羣奉師宗標彤管  
之徽音宜崇位號謹以冊寶尊為

皇考婉貴妃於歲舒長歲月彌膺介祉以康寧肅穆  
規型游受期齡之福履謹言

國朝宮史續編卷之二十五

典禮十九

冊寶三

冊立

乾隆四十三年十月初四日奉

諭旨冊封清語原係通稱並無上下之別嗣後朕用以奉上者俱繕寫冊表外其冊封皇后妃嬪及王貝勒以至外藩王等仍用冊封字樣

皇后冊寶

金冊制與

皇太后同

金寶方四寸四分平臺蹲龍鈕厚一寸二分  
盞池續飾均與

皇太后同

嘉慶元年

皇后以元妃正位宮中行

冊立禮

皇帝欽奉

太上皇帝勅曰撫臨萬國先占家吉之貞表率六宮

宜正坤元之位遵睢麟之王化儀輔乎邦布種粒  
於天宮職崇修壺爾皇太子妃喜塔臘氏祥傳渭  
渙淑著河洲珩璜習虞泗之容祐翟謹周門之則  
分榮少海方寵命之同承佐治內朝尚徽音之克  
嗣慶際十全之歲肅肅雞鳴歡承五福之堂莘莘  
螽羽茲以皇帝嗣位初元是用立爾為皇后錫以  
金冊金寶於戲繹

三朝之寶訓毓德蘭闥樹九室之芳型揚輝桂殿欽  
此茲朕謹遵奉

太上皇帝勅旨舉行冊立典禮尚其祇承無斁

二年

今皇后繼位中宮六年行

冊立禮

冊文曰朕聞圖闡坤珍儷宸樞而著象景宣舒御  
凝寶曜以齊輝資福耦之克承表鴻儀而作配  
宮庭禮洽典冊光崇咨爾皇貴妃鈕祜祿氏粹  
毓名宗慶貽勛閔安貞中乎矩度應地時行故  
順本於性成覩天祥定早從潛邸揚令德於輦

綸夙奉異章佐同功於南館列星妃之貴重璿  
掖升華增彤史之煒煌黼帷錫祉

寶命篤

椿庭之

鑒蕃釐衍椒室之祥閱三載以屆期正中宮而協吉

茲朕欽遵

皇考高宗純皇帝勅旨以金冊金寶立爾為皇后爾  
其敬抑

恩慈勉勤內職東虔恭於齋敦肅禮法於琤裳布仁

惠之芳風翊昇平之邛治母儀尊於天下相須  
而成王化基自宮中端本而善丕膺顯命懋迓  
洪禔欽哉

冊封一

皇貴妃冊寶

金冊十頁每頁金重十有五兩杉櫨架用楸  
木為之朱髹金飾繪鸞鳳文寶橫同

金寶方四寸平臺蹲龍鈕厚一寸二分寶蓋  
金製寶色池銀製金飾袂墊用柘黃緞



貴妃冊寶

金冊

金寶制均與

皇貴妃同冊寶橫繪雲鳳文袂墊用紅緞

妃冊印

金冊十頁每頁金重十有四兩八錢

金印方三寸六分平臺龜鈕厚一寸冊寶橫

袂墊均與

貴妃同

嬪冊

金冊四頁每頁金重十有四兩六錢有奇冊  
櫝祇墊均與

妃同

乾隆三十年

孝儀純皇后由貴妃晉封

皇貴妃行

冊封禮

冊文曰朕惟彤闈贊化本敬順以揚庥紫掖升名表

恪恭而錫慶爰稽彝典式播溫綸咨爾令貴妃魏  
氏早侍深宮夙嫺懿範襄廿年之內治麟趾凝祥  
超九御之崇班鳳章優秩自膺冊命益茂芳徽祇  
事小心克承歡於

璇殿含章明順更流譽於椒庭茲仰奉

皇太后懿旨以冊寶晉封爾為皇貴妃尚其勉副  
慈恩光昭壺德永懷淑慎輝翟服以垂型彌凜謙沖  
綿鴻禧而逢福欽哉

三十三年

冊封慶貴妃

冊文曰朕惟襄化理於宮闈專資淑德耀恩光  
於禕翟遽進崇階既珥度之丕昭宜綸音之  
載錫爾慶妃陸氏秉姿淑慎表範溫恭蘭掖  
承歡奉

慈徽而有恪椒庭佐治體朕志以無違柔嘉式九御  
之班已夙勤於表率令則協四星之位應晉  
被夫褒榮茲奉

皇太后慈諭冊封爾為貴妃尚其贊宣內職彌揚象

服之華懋教芳儀永荷龍章之重欽哉

同日

冊封容妃

冊文曰朕惟禕瑜著徽克襄雅化於二南綸綍  
宣恩宜備崇班於九御爰申茂典式旨榮封  
爾容嬪霍卓氏端謹持躬柔嘉表則秉小心  
而有恪久勤服事於

慈闈供內職以無違夙協歲規於文史茲奉

皇太后慈諭冊封爾為容妃尚其仰承錫命勗令德

以長綬祇荷褒嘉劬芳徽於益懋欽哉

同日

冊封順嬪

冊文曰朕惟職修婦學聯九御以承恩譽起壺  
儀迓百祥而贊化爰昭寵錫用煥新綸爾貴  
人鈕祜祿氏秉質柔和持躬端慎茂繁禧於  
蘭殿分秩內官荷

慈慶於

璇宮承華戚屬茲奉

皇太后慈諭冊封爾為順嬪尚其祇崇令德贊盥敦  
以無違式受鴻庥膺翟禴而有恪欽哉

三十六年

冊封惇嬪

冊文曰朕惟備六宮而修內職分理紫廷資九  
御以佐壺儀揚芬彤管恩綸式煥寵錫斯彰  
爾貴人汪氏毓質柔嘉提躬端淑迓百祥於  
椒殿芳範無違慶多福於

宣庭

慈顏有喜茲奉

皇太后慈諭封爾為惇嬪尚其玉璽克贊昭令德之  
攸崇愉翟增華受隆恩之永被欽哉

三十九年

冊封惇妃

冊文曰朕惟禴衣列職分內治於彤扉鏤闥宣  
恩晉榮稱於紫掖爰加錫命用備彝章爾惇  
嬪汪氏夙協芳規早膺德選嫺闈宮之禮教  
聿著壺儀慶



萱惺之純禧能承

慈眷自褒封之既具徵敬之無愆茲奉

皇太后慈諭冊封爾為惇妃爾其益懋柔嘉荷鴻庥  
而克副彌彰淑慎被象服以增輝欽哉

四十一年遵奉

皇太后懿旨冊封順妃誠嬪循嬪均於四十四年補  
行

冊封禮

冊封順妃

冊文曰朕惟璇扉選德承慶澤於椒塗鏐冊鐫  
華晉褒封於芝檢秩膺申錫典協榮稱爾順  
嬪鈕祜祿氏毓本世家訓嫔內則率歲規之  
令範壺教彌敦揚圖史之清芬彝章式備既  
鴻庥之克副宜象服之增輝茲奉

皇太后懿旨封爾為順妃爾其煒管延祺益茂柔嘉  
之譽鳴璜奉職倍昭敬慎之儀欽哉

同日

冊封誠嬪

冊文曰朕惟紫庭列職聿揚鳴璫之芬丹綈褒  
封宜備錫鏐之典特加命秩丕煥彝章爾貴  
人鈕祜祿氏稟質粹和提躬端謹協芳型於  
蘭闕內則無違奉介祉於

璿闈

慈愉克荷用賁龍光之錫爰增翟服之輝茲奉

皇太后懿旨封爾為誠嬪爾其故事彌昭茂衍柔嘉  
之澤榮稱式副倍彰淑慎之儀欽哉

同日

冊封循嬪

冊文曰朕惟彤閨率範宜茂秩之攸加紫掖延釐勉嘉稱之克副新綸式煥渥典斯彰爾貴人伊爾根覺羅氏毓自名家昭茲粹質播芳聲於椒殿壺教能嫺迓蕃祉於

萱闈

慈歡懋洽既協鳴璜之譽爰宣鏤冊之恩茲奉

皇太后懿旨封爾為循嬪爾其奉職孺虔荷鴻庥而

衍慶持榮益慎膺象服以增輝欽哉

五十九年

冊封循妃

冊文曰朕惟典徵絲枲秩每視乎彤庭度慎珩璜品宜崇於紫掖進參翟采用賁鸞書爾循嬪伊爾根覺羅氏備位後宮分班內職家人演卦順符大吉之占女史垂箴靜協含章之道茲晉封爾為循妃錫之冊印爾其懋修懿德遵禮則以綏嘉允荷徽章引福祥而宜穀欽哉

同日

冊封婉妃

冊文曰朕惟錫裳區以都福肇始宮闈修內教  
而服勤首隆位號爰申嘉命用晉榮封爾婉  
嬪陳氏夙著徽柔允稱淑慎舊依桐邸小心  
久侍乎丹宸新耀輦衣令範克傳於彤史慶  
掖庭之盛事壽屆八旬賁綸綍之殊榮禮隆  
几御茲晉封爾為婉妃錫之冊印尚其欽承  
彝典宣四德以延庥益荷恩光迓萬年而篤

慶欽哉

同日

冊封恭嬪

冊文曰朕惟几御承庥協坤儀而宣化六宮備  
位彰媛德以垂型載錫綸言用昭嬪則洛爾  
貴人林氏久簡掖庭動循禮法肅雍奉職持  
圭璧以維虔嘉順揚敷凜冰淵而著慎年逾  
周甲延壽宇之蕃釐歲紀演寅晉榮封之懋  
典茲晉封爾為恭嬪錫之冊命爾其光崇令

譽長依日月之華益飭芳規克式鷁鷺之序  
欽哉

同日

冊封芳嬪

冊文曰朕惟教德容以率屬表質椒庭展功緒  
而分司延休柘館綸言錫慶翟采增輝咨爾  
貴人陳氏早備內官夙襄中壺俯丹墀之雅  
度淑慎其身昭紫室之光儀柔嘉維則茲晉  
封爾為芳嬪錫之冊命爾其徽章用荷記良



太上皇帝勅曰政承修壺滌分內治之隆慶際膺圖  
德奉中宮之化鴻禧克迓象服攸宜爾劉佳氏式  
禮聿嫺秉心惟粹溫恭成性修組以甄儀柔善  
流聲協珩璜而表度茲以皇帝嗣位初元冊立皇  
后用以冊印封爾為誠妃爾其勤宣淑問更懋贊  
乎坤儀備著芳猷用祇承乎葵命欽此茲朕遵奉  
太上皇帝勅旨舉行冊封典禮尚其敬膺無斁

同日

冊封瑩嬪

# 皇帝欽奉

太上皇帝勅曰椒掖承華進崇班於月御之函錫命  
昭令範於星闈爰沛新綸用光懋典爾侯佳氏夙  
秉小心克嫻內教佐禕衣而協吉禮贊三宮習瓊  
珮以迎祥職參九室茲以皇帝嗣位初元冊立皇  
后用以金冊封爾為瑩嬪爾其徽章祇荷新恩均  
拜於蘭宮閭訓虔遵蕃祉同承於桂卮欽此茲朕  
遵奉

太上皇帝勅旨舉行冊封典禮尚其敬膺無斁

二年

今皇后繼位中宮先行

冊封皇貴妃禮

皇帝欽奉

太上皇帝勅曰全付有家必資賢於內助率綏多福  
宜佐治於中闈矧訓政之方長尤承歡之攸贊爰  
循茂典式舉彝章爾貴妃鈕祜祿氏華胄鍾祥德  
門毓粹早依光於桂邸敬慎恒昭嗣領秩於蘭宮  
溫恭愈懋問

安侍膳時褰溫清之文獻爾稱絲夙樹儉勤之本用  
載揚夫惠問鏐蘭升華佇特晉於椒塗禕衣作則  
茲封爾為皇貴妃錫之冊寶爾其庥承滋至彌隆  
尊養之誠化裕始基並著謙和之範尚徽柔之允叶  
體順垂模期蕃祉之備膺含章播譽克衍坤元之  
慶倍徵泰運之亨欽哉

六年

冊封華妃

冊文曰朕惟椒掖佐肅雖之化必賴芳型蘭闥

彰柔順之聲宜裏中壺彝章允洽懿典式頒  
咨爾瑩嬪侯佳氏賦性靜專秉心恪慎寅承  
夙夜鳴環悉協於禮儀祇助宮庭分爾克勤  
夫婦職是用晉封爾為華妃錫之冊命爾其  
益懷恭謹答庥命之寵膺彌勵謙冲迓繁釐  
之懋集欽哉

同日

冊封淳嬪

冊文曰朕惟教德容以師屬治肅六宮展功緒

而慎司班躋五職綸言寵逮鞠采輝增咨爾  
貴人董氏早著柔嘉夙彰桀範叙椒塗之茂  
秩靜事惟宜揆蘭掖之嘉稱嫿修獨粹是用  
晉封爾為淳嬪錫之冊命爾其徽章先荷謹  
式度於彤闈蕃祉適膺朗升名於華芬欽哉  
同日

冊封吉嬪

冊文曰朕惟位正天閨宜後星之增朗教先婦  
學允邦媛之攸司綺觀升華絲言錫慶咨爾

貴人王氏紫庭助德彤史搗辭初履善以含  
和早流惠問用延祥而集祉宜荷芳名是用  
晉封爾為吉嬪錫之冊命爾其柔盛致潔無  
愆於明璽玉敦之儀柔曲襄勤克贊夫元統  
綵蓮之典欽哉

十年

冊封如嬪

冊文曰朕惟椒庭翊化教婦學於六宮蘭殿承  
輝備內官於九室鸞章光賁翟采榮增咨爾

貴人鈕祜祿氏德著柔嘉心存敬慎協彤闈  
之禮秩繩矩明衷茂紫掖之聲華珩琚合度  
是用晉封爾為如嬪錫之冊命爾其玉璽贊  
潔式膺蕃祉於璇闈珠珮宣勤益勵芳規於  
綺觀欽哉